



HAraldus filius fuit Haldani regis ex Giurtha uxore. Hic cū eximie forme & præcipue magnitudinis esset, coæuos robore & statura omnes superauit. Itaque post patrem rex constitutus, Danorum regnum, principum iniurijs laceratum, ad pristinum splendorem reduxit. Primò enim bello apud Sialandiam gesto Vuesetum præcipue opinionis athletam oppressit. Inde Hatherum apud Iutiam oppugnatum extinxit. Post hæc Hungo Roricoq; prostratis Lethram occupat, & distractum Daniæ regnum in pristinum corpus reformat. Hisce peractis Ingonem & Olauum bellum parantes, anticipatis apud Suetiam rebus, op-

preisit. Deinde adiutore Vbbõe Frisio, finitimos Rheno populos bello laesit, & militem eius gentis fortissimum in sua castra legit. Quibus fretus bello Slauiam presit, eiusq; duces Duc & Dal ob uirtutem capi potius quam occidi curauit. Hisce in commilitium receptis Britanniam uastauit, ac uictor domum redijt. Itaque is nominis sui terrore regnorum uarios motus compe-
scuit, atque eam authoritatem obtinuit, ut nemo maris Germanici dominum absq; eius nutu præsumeret. Sic prouincijs suis pacatis, per annos quinquaginta in summo otio uixit. Tandem uerò cum Ringone ex sorore nepote magnis uiribus acie decertauit, & fortiter pugnan-
do occubuit. Claruit is anno Christi 410. Sax.